



30. juni 2016

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit illersuisut immikkut ilisimasallit aamma ilitsersuisinnaasut pillugit:

1. Kalaallit Nunaanni eqqartuussiviit, kalaallit nunaanni kommunit imaluunniit kalaallit nunaanni politiit illersuisut immikkut ilisimasallit ilitsersuisinnaasullu atortarnerlugit innuttaasut arlaannik pinerluffigineqarsimatillugit imaluunniit inatsisinik unioqqutitsisimatillugit assigisaanilluunniit? Uani pinerluttulerinermut inatsimmut attuumassuteqartut kisiisa eqqarsaatiginngilakka aammali eqqarsaatigaakka innuttaasut pinerlussimasunik nalunaaruteqarniartut ikiorneqartarnersut taakku qitornaaluunniit inuit pisinnaatitaaffiinut ilisimasaqanngippata, ikiorlugit piunasaqaateqarnissaannut aamma naliginnaasumik ikiorlugit unnerluussiniarneranni?

- Taamaassimappat kissaatigaara suliani sorlorni illersuisut atorneqakkajuttarnersut?

- Taamaanngippat kissaatigaara paasissallugu innuttaasut sumut taava saaffiginnaasut ilitsersorneqarusukkunik imaluunniit pinerluffigitissimagunik qitornatilluunniit pinerluffigitissimappata pisinnaatitaaffimminnik paasiniaassagunik.

(Inatsisartunut ilaasortaq Tillie Martinussen, Demokraatit)

Tunngavilersuut

Inuiaqatigiit inatsisinik tunngavillit pisussaaffput innuttaasunik ilersuissallutik ilitsersuissallutillu, pisariaqartillugu. Uanga isumaga naapertorlugu innuttaasut inatsisitigut illersorneqarnerat innarlerneqartarpoq inuiaqatigiittut pitsaasumik ilitsersuisinnaanngikkutta innuttaasut pinerluffigitissimasut imaluunniit allatigut inatsisit naapertorlugit pinerluffigineqarsimasut iliornissaat pillugu.

Pinerluffigitinnerup kingorna inuit sanngiittarput aamma taamatut pisoqartillugu tatigisinnaasariaqarpoq inuiaqatigiit sakkussaqaassasut, inuk artorsartoq ikiorniarlugu. Taamaattoqanngippat inuiaqatigiit akisussaaqataaffigissavaat suliap pitsaanngitsumik ingerlanneqarsimappat, innuttaasup qitornaata imaluunniit innuttaasup pinerluffigitissimasup unnerluussiniarnerani pisoq artornartor kusanaatsorlu qalliinnarlugu.

Arnaq pinngitsaalineqarsimaguni sanngiitsuaraasarpooq, taamaattumik unnerluussinissaminut ikiorneqarnissani pisariaqartittarpaa. Arnaq taanna sunik pisinnaatitaaffeqarpa aamma sumut



ilitsersorneqarnissani ujartorsinnaavaa?

Imaluunniit anaanap kalaallisuinnaq oqaasillip paasippagu, qitornani kinguaassiutitigut kanngutsaattuliorfigineqarsimasoq, qanoq qanoq iliussava paasiumallugit nammineq qitornamilu pisinnaatitaaffiit aamma qanoq ililluni qularnaarsinnaavaa pisinnaatitaaffiit taamaattut imminut qitornaminullu atuutissasut.

Pisuni taamaattuni sanngiilliorfinni, atorfissaqartilluinneqartarpoq inuiaqatigiit ikiunnissaat ilitsersuinissaallu, taamaattumik tamanna pillugu apeqquteqarpunga.

Apeqqutit akeqquneqarput ullut suliffiit nalignnaasut qulit iluanni.